



CONCELLO DE GUITIRIZ  
Rúa do Concello, 4  
27.300 GUITIRIZ – LUGO  
TEL. 982.370.109 FAX 982.372.178

## **ACTA DA SESION EXTRAORDINARIA CELEBRADA POLO PLENO DA CORPORACIÓN O DIA 2 DE XULLO DE 2015**

Na Vila de Guitiriz, cando son as 19.30 horas do día 2 de xullo de 2015, reúnen-se no Salón de Sesiões deste Concello, previa convocatoria realizada ó efecto nos termos legalmente establecidos, os membros integrantes do Concello en Pleno que a continuación se relacionan, en sesión extraordinaria e primeira convocatoria, baixo a presidencia da Sra. Alcaldesa dona Regina Polín Rodríguez, asistido por min, don Rafael del Barrio Berbel, secretario. Asiste tamén o interventor municipal don Juan Antonio Rey Rivas.

### **ASISTENTES:**

#### **Presidencia:**

Dona Regina Polín Rodríguez

#### **Concelleiros:**

Dona Laura Ageitos Miragaya  
Don Carlos Plácido Buján López  
Don Pedro Pérez Fanego  
Don José Manuel Saa Devesa  
Don Daniel Díaz Méndez  
Don Xosé María Teixido Núñez  
Don Roberto Sanmartín Barro  
Don Francisco José Penas Pardo  
Dona María Manuela Carballeira García  
Dona Ana Broz Paderne  
Don Xosé Lois González Souto  
Don Jesús Veres Vázquez

Pola Presidencia declárase aberta a sesión e pásase a despachar os asuntos que integran a Orde do Día, que a continuación se indican:

### **1º.-DAR CONTA DOS DECRETOS DE ALCALDÍA DE NOMEAMENTOS DE TENENTES DE ALCALDE, DE DELEGACIÓNS ESPECIAIS EN CONCELLEIROS, E DE NOMEAMENTOS DE MEMBROS DE XUNTA DE GOBERNO LOCAL E DE DELEGACIÓN DE ATRIBUCIÓNS DE ALCALDÍA NA XUNTA DE GOBERNO LOCAL.**

O Sr. Secretario da conta ao Pleno da parte dispositiva dos Decretos de alcaldía de data 26/06/2015 do seguinte teor literal:

#### **“DECRETO DE NOMEAMENTO DE TENENTES DE ALCALDE**

(...)

**PRIMEIRO.** - Nomear Tenentes de alcalde aos seguintes concelleiros e concelleiras:

- 1ª Tenente de alcalde, dona Laura Ageitos Miragaya
- 2º Tenente de alcalde, don Carlos Plácido Buján López
- 3º Tenente de alcalde, don Pedro Pérez Fanego
- 4º Tenente de alcalde, don José Manuel Saa Devesa



SEGUNDO- Aos tenentes de alcalde corresponderalles substituír á Alcaldía na totalidade das súas funcións e por orde do seu nomeamento, nos casos de ausencia, enfermidade ou impedimento que o imposibilite para o exercicio das súas atribucións.

#### “DECRETO DE DELEGACIÓNS ESPECIAIS DE ALCALDÍA EN CONCELEIROS

(...)

PRIMEIRO.- Outorgar as delegacións especiais que se sinalan nas seguintes materias competencia da alcaldía:

- Benestar social á 1ª Tenente de alcalde, dona Laura Ageitos Miragaya.
- Medio ambiente e sustentabilidade ao 2º Tenente de alcalde, don Carlos Plácido Buján López.
- Xuventude e deportes ao 3º Tenente de alcalde, don Pedro Pérez Fanego
- Emprendemento e turismo, ao 4º Tenente de alcalde, don José Manuel Saa Devesa.
- Medio rural e coordinación das parroquias, ao concelleiro don Daniel Díaz Méndez.

A delegación especial comprende a dirección interna e xestión do servizo ou áreas que se delega, pero sen capacidade resolutiva mediante actos administrativos que afectan a terceiros.

SEGUNDO.- Nas ausencias da alcaldía sen que fora efectuada a delegación de funcións noutro concelleiro/a ou non proceda por delegación automática legal, en base ao disposto no artigo 16 da Lei 30/1992, do 26 de novembro, delégase na concelleira dona Laura Ageitos Miragaya a sinatura de certificados de padróns e acordos adoptados polos órganos de goberno.”

#### “DECRETO DE NOMEAMENTO DOS MEMBROS DA XUNTA DE GOBERNO LOCAL E DELEGACION DE ATRIBUCIONS NA XUNTA DE GOBERNO LOCAL

(....)

PRIMEIRO.- Constituír a Xunta de Goberno Local, órgano colexiado municipal de carácter resolutivo, que estará integrada polos seguintes concelleiros e concelleiras da Corporación:

Presidenta:

Dona Regina Polín Rodríguez, alcaldesa.

Vogais:

Dona Laura Ageitos Miragaya, 1ª Tenente de alcalde.

Don Carlos Plácido Buján López, 2º Tenente de alcalde.

Don Pedro Pérez Fanego, 3º Tenente de alcalde.

Don José Manuel Saa Devesa, 4º Tenente de alcalde.

SEGUNDO.- A Xunta de Goberno Local terá asignada as seguintes atribucións:

- a) A asistencia permanente á Alcaldía no exercicio das súas atribucións.
- b) As atribucións que a Alcaldía lle delega, que son as seguintes:

##### 1.En materia económica:



- O recoñecemento e liquidación de obrigas económicas a partir de 10.000 euros, de conformidade coa Lei reguladora das facendas locais, as disposicións de desenvolvemento, e as bases de execución do orzamento municipal.

- A aprobación das bases e convocatorias para ou outorgamento de subvencións e axudas económicas de todo tipo; e o outorgamento das mesmas, estean ou non previstas no orzamento municipal.

## 2. En materia de persoal:

- A aprobación da oferta de emprego público de acordo co orzamento e a plantilla aprobados polo Pleno.

-A aprobación das bases e das convocatorias para a selección de empregados públicos, e para os concursos de provisión de postos de traballo, e o nomeamento do/s candidato/s proposto/s polo Tribunal de valoración.

-A incoación e resolución de expedientes disciplinarios aos empregados públicos municipais conforme á normativa de aplicación, e a adopción das medidas cautelares que procedan.

## 3. En materia de urbanismo e obras:

- A aprobación dos instrumentos de planeamento de desenvolvemento do plan xeral non expresamente atribuídas ao Pleno, así como a dos instrumentos de xestión urbanística e dos proxectos de urbanización.

- A aprobación dos proxectos de obras e servizos cando sexa competente para a súa contratación ou concesión e estean previstos no orzamento.

-O outorgamento de licenzas urbanísticas de actividades e obras maiores, obras de edificación, licenzas de segregación ou parcelación, e licenzas de primeira ocupación ou primeira instalación; así como as liquidacións ou autoliquidacións tributarias que levan asociadas, sen prexuízo da fiscalización posterior por intervención municipal.

- A incoación e resolución de expedientes de disciplina urbanística, tanto sancionadores como de reposición da legalidade urbanística.

## 4. En materia de contratación administrativa:

- As contratacións de obras, de subministracións, de servizos, de xestión de servizos públicos, contratos administrativos especiais, e os contratos privados cando o seu importe non supere o 10 % dos recursos ordinarios do orzamento nin, en calquera caso, a contía de seis millóns de euros, engadidos os de carácter plurianual cando a súa duración non sexa superior a catro anos. Deléganse as facultades de incoación do expediente, aprobación do expediente (pregos e gasto) e adxudicación do contrato, correspondendo á alcaldía, por motivos de eficacia e celeridade administrativa, o resto de facultades e trámites previos e posteriores.

- As concesións sobre bens e adquisición de bens inmoables e dereitos suxeitos á lexislación patrimonial cando o seu valor non supere o 10 % dos recursos ordinarios do orzamento nin o importe de tres millóns de euros, así como a alleamento do patrimonio, cando o seu valor non supere o porcentaxe ni a contía indicados.



Deléganse as facultades de incoación do expediente, aprobación do expediente (pregos e gasto) e adxudicación do contrato, correspondendo á alcaldía, por motivos de eficacia e celeridade administrativa, o resto de facultades e trámites previos e posteriores.

-Nos contratos menores de entre 10.000 e 18.000 euros (en servizos e subministracións) e 50.000 euros (en obras), delégase unicamente a adxudicación do contrato á oferta máis vantaxosa das 3 solicitadas segundo as bases de execución do orzamento. Os contratos menores de importe inferior a 10.000 euros (que son autorizados mediante proposta de gasto sen necesidade de solicitar 3 ofertas nin facer acordo expreso de adxudicación) corresponderan á alcaldía por motivos de eficacia e celeridade administrativa.

#### 5. En materia de servizos sociais:

-Aprobación das altas e baixas dos usuarios dos servizos municipais de Punto de Atención á Infancia, Servizo de Axuda no Fogar e Centro de Día, así como as liquidacións tributarias que levan asociadas, sen prexuízo da fiscalización posterior por intervención municipal.

Sen prexuízo do anterior, a Alcaldía resérvase a avogación daqueles asuntos que polas súas características particulares ou pola súa urxencia tiveran que resolverse con prontitude e celeridade.”

### **2º.-CONSTITUCION DOS GRUPOS MUNICIPAIS E ASINACIONS AOS GRUPOS POLITICOS**

A proposta da alcaldía de data 29/06/2015 (corrixida en data 30/06/2015) á que da lectura o secretario na súa parte dispositiva é a seguinte:

“Dona Regina Polín Rodríguez, alcaldesa-presidenta do Concello de Guitiriz, no uso das súas atribucións legalmente conferidas.

A vista das eleccións locais do día 24/05/2015 e da constitución da Corporación municipal de Guitiriz de data 13/06/2015, resulta necesario proceder ao establecemento da nova organización municipal en cumprimento do establecido na Lei 7/1985 do 2 de abril reguladora das bases de réxime local, e no Real Decreto 2568/1986 de 28 de novembro que aproba o Regulamento de organización, funcionamento e réxime xurídico das entidades locais.

Os escritos dos distintos concelleiros electos en relación cos grupos municipais ó abeiro do establecido nos artigos 23 e 24 do ROF e artigos 74 e seguintes da Lei 5/1997, da Administración Local de Galicia, son os seguintes:

#### Grupo municipal socialista:

Dona Regina Polín Rodríguez, voceira.  
Dona Laura Ageitos Miragaya, voceira suplente.  
Don Carlos Plácido Buján López  
Don Pedro Pérez Fanego  
Don José Manuel Saa Devesa  
Don Daniel Díaz Méndez



CONCELLO DE GUITIRIZ  
Rúa do Concello, 4  
27.300 GUITIRIZ – LUGO  
TEL. 982.370.109 FAX 982.372.178

Grupo popular:

Don Xosé María Teixido Núñez, voceiro.  
Don Francisco José Penas Pardo, voceiro suplente\*  
Don Roberto Sanmartín Barro  
Dona María Manuela Carballeira García

Grupo Compromiso por Guitiriz:

Dona Ana Broz Paderne, voceira.

Grupo Bloque Nacionalista Galego:

Don Xosé Lois González Souto, voceiro.

Grupo Independente-CG:

Don Jesús Veres Vázquez, voceiro\*

O Sr. Secretario informa o seguinte en relación cos grupos municipais, grupo mixto e concelleiros non adscritos:

*“O artigo 74.4 da Administración Local de Galicia de 1997 dispón que os membros que non obtiveran un mínimo e 2 escanos integraranse no grupo mixto, polo que de acordo con esta norma autonómica non sería legal a constitución de grupos municipais con so un concelleiro.*

*Se ben, dende o punto de vista da lexislación básica estatal (artigo 73.3 da Lei de Bases de réxime local, na redacción dada pola reforma do ano 2003) e da xurisprudencia na materia, o grupo mixto non existiría xa como tal e se os concelleiros non se integran en ningún grupo municipal serían considerados como “concelleiros non adscritos” a ningún grupo; o que implicaría que a pertenza a un grupo, configurado como un dereito-deber dos concelleiros, conlevaría a posibilidade de constituírse grupos municipais con un so concelleiro, postura doutrinal e xurisprudencial máis favorable ao dereito constitucional (artigo 23.2 CE) de participación política (tanto nos plenos como nas comisións informativas).*

*Non obstante, na comunidade autónoma de Galicia, en tanto en canto o citado artigo 74.4 non sexa revisado e adaptado á lexislación estatal básica e á xurisprudencia, ou ben declarado inconstitucional, debería aplicarse o mencionado artigo que regula o grupo mixto por ser unha norma vixente (pese as contradicións sinaladas e os problemas que pode conlevar na práctica).*

*En calquera caso, corresponderá ao Pleno da Corporación (STS ) pronunciarse motivadamente ao respecto, considerando constituído o grupo mixto cos 3 concelleiros que so teñen un escano (ex artigo 74.4 da Lei galega), considerándoos aos tres concelleiros membros non adscritos a ningún grupo (ex artigo 73.3 da Lei básica estatal), ou considerando constituídos os tres grupos municipais cun so concelleiro cada un (postura doutrinal e xurisprudencial máis favorable ao dereito constitucional de participación política compatible co artigo 73.3 da Lei estatal básica”).*



Sométese a seguinte proposta de acordo ao Pleno do Concello de Guitiriz:

PRIMEIRO.- Considerar constituídos os seguintes 5 grupos municipais no Concello de Guitiriz admitindo como grupo municipal aos concelleiros que so obtiveron un escano nas pasadas eleccións locais, seguindo a postura doutrinal e xurisprudencial máis favorable ao dereito constitucional de participación política compatible co artigo 73.3 da Lei de Bases de Réxime Local, que é lexislación estatal básica:

Grupo municipal socialista:

Dona Regina Polín Rodríguez, voceira.  
Dona Laura Ageitos Miragaya, voceira suplente.  
Don Carlos Plácido Buján López  
Don Pedro Pérez Fanego  
Don José Manuel Saa Devesa  
Don Daniel Díaz Méndez

Grupo popular:

Don Xosé María Teixido Núñez, voceiro.  
Don Francisco José Penas Pardo, voceiro suplente\*  
Don Roberto Sanmartín Barro  
Dona María Manuela Carballeira García

Grupo Compromiso por Guitiriz:

Dona Ana Broz Paderne, voceira.

Grupo Bloque Nacionalista Galego:

Don Xosé Lois González Souto, voceiro.

Grupo independente-CG:

Don Jesús Veres Vázquez, voceiro\*

SEGUNDO.- Determinar as seguintes asignacións mensuais aos grupos políticos:

80 euros por grupo máis 20 euros por cada concelleiro/a.

De conformidade co establecido no artigo 73.3 LBRL, no que se establece que os grupos políticos levarán unha contabilidade específica da dotación asignada a eles e que porán a disposición do pleno sempre que lle pida, o Pleno da Corporación asume a fiscalización das devanditas asignacións económicas.”

Aberto o debate pola presidencia (...)

**Sometido o asunto a votación foi aprobado por 9 votos a favor correspondentes aos membros dos grupo socialista, grupo Compromiso por Guitiriz, grupo independente-CG e Grupo BNG, e 4 abstencións do grupo popular.**

### **3º.-DETERMINACIÓN DA PERIODICIDADE DAS SESIÓNS ORDINARIAS DO PLENO E DA XUNTA DE GOBERNO LOCAL**

A proposta da alcaldía de data 29/06/2015 á que da lectura o secretario na súa parte dispositiva é a seguinte:



CONCELLO DE GUITIRIZ  
Rúa do Concello, 4  
27.300 GUITIRIZ – LUGO  
TEL. 982.370.109 FAX 982.372.178

“Dona Regina Polín Rodríguez, alcaldesa-presidenta do Concello de Guitiriz, no uso das súas atribucións legalmente conferidas.

A vista das eleccións locais do día 24/05/2015 e da constitución da Corporación municipal de Guitiriz de data 13/06/2015, resulta necesario proceder ao establecemento da nova organización municipal.

De conformidade co disposto no artigo 46.2).a) da Lei 7/1985, do 2 de abril, reguladora das Bases do réxime local, o Pleno celebrará sesión ordinaria, como mínimo, cada dous meses nos Concellos dos municipios dunha poboación entre 5.001 e 20.000 habitantes. En virtude do regulado no artigo 210.2).a) da Lei de Administración Local de Galicia de 22 de xullo de 1997, o Pleno celebrará sesión ordinaria, como mínimo, cada dous meses. O artigo 211 da Lei de Administración Local de Galicia dispón que será o Pleno quen determinará a periodicidade das sesións da Xunta de Goberno Local.

Sométese a seguinte proposta de acordo ao Pleno do Concello de Guitiriz:

PRIMEIRO.- Celebrar as sesións ordinarias do Pleno da Corporación cada dous meses, o último xoves dos meses impares ás 19.30 horas, logo de convocatoria da Sra. Alcaldesa. Para o suposto de que coincida cun día festivo ou non laborable, celebrarase o día posterior ou días posteriores se houberse máis dun.

SEGUNDO.- A Xunta de Goberno Local celebrará sesión ordinaria o primeiro e o terceiro martes de cada mes ás 10.00 horas, na alcaldía, previa convocatoria realizada pola Alcaldía. Excepcionalmente (períodos vacacionais, Semana Santa, Nadal, cando o día fixado sexa festivo, ou por motivos do servizo) a Alcaldía poderá adiantar ou pospoñer a súa celebración.

TERCEIRO.- Publicar integramente o acordo no Taboleiro de Anuncios desta Entidade.”

Aberto o debate pola presidencia (...)

**Sometido o asunto a votación foi aprobado por unanimidade dos 13 membros da Corporación.**

#### **4º.-CREACIÓN E COMPOSICIÓN DAS COMISIÓNS INFORMATIVAS E DA COMISIÓN ESPECIAL DE CONTAS.**

A proposta da alcaldía de data 29/06/2015 á que da lectura o secretario na súa parte dispositiva é a seguinte:

“Dona Regina Polín Rodríguez, alcaldesa-presidenta do Concello de Guitiriz, no uso das súas atribucións legalmente conferidas.

A vista das eleccións locais do día 24/05/2015 e da constitución da Corporación municipal de Guitiriz de data 13/06/2015, resulta necesario proceder ao establecemento da nova organización municipal.

De conformidade co disposto no artigo 20.1.c) da Lei 7/1985, do 2 de abril, reguladora das Bases do Réxime Local, nos municipios de máis de 5.000 habitantes existirán, se a súa lexislación autonómica non prevé neste ámbito outra forma organizativa, órganos que teñan



por obxecto ou estudo, informe e consulta dos asuntos a someter á decisión do Pleno, así como o seguimento da xestión do Alcalde, a xunta de goberno local e os concelleiros que ostenten delegacións, sen prexuízo das competencias de control que corresponden ao Pleno.

A teor do regulado nos artigos 66 e 68 da Lei de Administración Local de Galicia do 22 de xullo de 1.997, constituiranse comisións de estudo, Informe e Consulta en tódolos municipios de máis de cinco mil habitantes, correspondendo ó Pleno a determinación do número e denominación das devanditas Comisións, as cales estarán integradas polos membros que designen os distintos grupos políticos que forman parte da Corporación. O número dos seus membros será proporcional á súa representación no Concello. O citado artigo 66.2 prevé o voto ponderado se o número de membros de cada grupo é o mesmo.

En virtude do establecido non artigo 212.1 da antedita lei autonómica, a periodicidade das sesións ordinarias das comisións de estudo, informe e consulta será determinado polo Pleno, sendo preceptiva, en todo caso, a reunión das devanditas Comisións con anterioridade ó pronunciamento do Pleno en asuntos da súa materia, nos días e horas que estableza o alcalde, segundo se sinala non artigo 134.1) do Real Decreto 2568/1986, de 28 de novembro, polo que se aproba o Regulamento de organización, funcionamento e réxime xurídico das entidades locais.

De conformidade co disposto nos artigos 123 e 127 do Real Decreto 2568/1986, do 28 de novembro, polo que se aproba o Regulamento de organización, funcionamento e réxime xurídico das entidades locais, a Comisión Especial de Contas, á que corresponde o exame, estudo e informe de todas as contas, orzamentarias e extraorzamentarias que debe aprobar o Pleno da Corporación, é de existencia preceptiva, segundo dispón o artigo 116 da Lei 7/1985, de 2 de abril, e a súa constitución, composición e integración e funcionamento axústase ao establecido para as demais comisións informativas.

Sométese a seguinte proposta de acordo ao Pleno do Concello de Guitiriz:

PRIMEIRO.- Constituír as seguintes comisións Informativas de carácter permanente para o estudo, informe e consulta dos asuntos que deben someterse a decisión do Pleno, así como de seguimento da xestión da Alcaldía e da Xunta de Goberno:

1.- Comisión de Asuntos do Pleno: que se reunirá previa convocatoria nos termos legais ás 13:30, formada por 5 membros máis a Presidencia da mesma que corresponde á Sra. Alcaldesa ou concelleiro/a en quen delegue, correspondendo 1 membro a cada grupo a determinar o seu titular e suplente por cada grupo, con sistema de voto ponderado coa seguinte ponderación atendendo á proporcionalidade do Pleno:

Grupo municipal socialista: 1 x 5

Grupo popular: 1 x 4

Grupo Compromiso por Guitiriz: 1 x 1

Grupo Bloque Nacionalista Galego: 1 x 1

Grupo independente: 1 x 1

O grupo municipal socialista designa como titular a dona Laura Ageitos Miragaya, e suplente don Carlos Plácido Buján López.





CONCELLO DE GUITIRIZ  
Rúa do Concello, 4  
27.300 GUITIRIZ – LUGO  
TEL. 982.370.109 FAX 982.372.178

2.- Comisión Especial de Contas: que se reunirá previa convocatoria nos termos legais ás 13:30 horas, formada por 5 membros máis a Presidencia da mesma que corresponde á Sra. Alcaldesa ou concelleiro/a en quen delegue, correspondendo 1 membro a cada grupo a determinar o seu titular e suplente por cada grupo, con sistema de voto ponderado coa seguinte ponderación atendendo á proporcionalidade do Pleno:

Grupo municipal socialista: 1 x 5  
Grupo popular: 1 x 4  
Grupo Compromiso por Guitiriz: 1 x 1  
Grupo Bloque Nacionalista Galego: 1 x 1  
Grupo independente: 1 x 1

O grupo municipal socialista designa como titular a don José Manuel Saa Devesa, e suplente don Daniel Díaz Méndez.

SEGUNDO.- Publicar integramente o acordo que resulte no Boletín Oficial da Provincia e fixalo no Taboleiro de Anuncios desta Entidade.”

Aberto o debate pola presidencia (...)

**Sometido o asunto a votación foi aprobado por unanimidade dos 13 membros da Corporación.**

#### **5º.- APROBACIÓN RETRIBUCIÓN E INDEMNIZACIÓNS DOS MEMBROS DA CORPORACIÓN**

A proposta da alcaldía de data 29/06/2015 á que da lectura o secretario na súa parte dispositiva é a seguinte:

“Dona Regina Polín Rodríguez, alcaldesa-presidenta do Concello de Guitiriz, no uso das súas atribucións legalmente conferidas.

A vista das eleccións locais do día 24/05/2015 e da constitución da Corporación municipal de Guitiriz de data 13/06/2015, resulta necesario proceder ao establecemento da nova organización municipal.

Considerando o disposto no artigo 21 e 75 da Lei 7/1985 do 2 de abril, reguladora das bases de réxime local, e nos artigos concordantes da Lei 5/1997, da Administración Local de Galicia, e do Real Decreto 2568/1986, do 28 de novembro, polo cal se aproba o Regulamento de organización, funcionamento e réxime xurídico das entidades locais.

Sométese a seguinte proposta de acordo ao Pleno do Concello de Guitiriz:

PRIMEIRO.- Que os señores concelleiros/as percibirán as seguintes retribucións por asistencia aos órganos colexiados da Corporación:

- a) Asistencia a Plenos: 60 euros
- b) Asistencia a Xuntas de Goberno Local: 50 euros
- c) Asistencia a Comisións informativas: 40 euros



SEGUNDO.- Aos efectos do establecido no artigo 75.4 da Lei 7/1985 do 2 de abril, reguladora das bases de réxime local, os membros da Corporación percibirán indemnizacións polos gastos efectivos ocasionados no exercicio do seu cargo nas polo conceptos e contías que se indican de seguido:

- Indemnización por dietas de manutención por viaxes oficiais (previa xustificación):
  - o Dentro do termo municipal: contía establecida para o grupo 1 no Anexo II do RD 462/2002, coa actualización producida pola Resolución de 2 de decembro de 2005 da Secretaría de Estado de Hacienda y Presupuestos.
  - o Fóra do termo municipal:
    - Media dieta: 30,00 €.
    - Dieta Completa: 60,00 €.
- Indemnización por aloxamento por viaxes oficiais (previa xustificación):
  - o Dentro da Comunidade Autónoma de Galicia: 110,00 €
  - o No resto de España: 140,00 €.
  - o Internacional: contía establecida para o grupo 1 no Anexo II do RD 462/2002, coa actualización producida pola Resolución de 2 de decembro de 2005 da Secretaría de Estado de Hacienda y Presupuestos.
- Indemnización por desprazamento en vehículo propio: contía establecida no RD 462/2002, coa actualización producida pola Orde EHA/3770/2005 (0,19 € por Km percorrido)
- Indemnización por desprazamento en vehículo alleo: polo importe efectivamente abonado, previa aportación de documentación xustificativa do gasto realizado.
- Indemnización por gastos de aparcamento e peaxe: polo importe efectivamente abonado, previa aportación de documentación xustificativa do gasto realizado.

Para o abono das indemnizacións anteriores serán de aplicación as normas de devengo recollidas no RD 462/2002.

En todo o non regulado neste acordo será de aplicación supletoria o establecido no RD 462/2002.

Este acordo deixa sen efecto o establecido no apartado 1 da Base nº 27 das de execución do vixente orzamento municipal.”

Aberto o debate pola presidencia (...)

**Sometido o asunto a votación foi aprobado por unanimidade dos 13 membros da Corporación.**

## **6º.-REXIME DE ADICACIONES DOS CONCELLEIROS DO EQUIPO DE GOBERNO**

A proposta da alcaldía de data 29/06/2015 á que da lectura o secretario na súa parte dispositiva é a seguinte:

“Dona Regina Polín Rodríguez, alcaldesa-presidenta do Concello de Guitiriz, no uso das súas atribucións legalmente conferidas.



A vista das eleccións locais do día 24/05/2015 e da constitución da Corporación municipal de Guitiriz de data 13/06/2015, resulta necesario proceder ao establecemento da nova organización municipal.

Considerando o disposto no artigo 21 e 75 da Lei 7/1985 do 2 de abril, reguladora das bases de réxime local, e nos artigos concordantes da Lei 5/1997, da Administración Local de Galicia, e do Real Decreto 2568/1986, do 28 de novembro, polo cal se aproba o Regulamento de organización, funcionamento e réxime xurídico das entidades locais.

Sométese a seguinte proposta de acordo ao Pleno do Concello de Guitiriz:

PRIMEIRO.- Determinar os seguintes cargos con adicación parcial:

-Concelleiro/a 1: desempeñará as súas funcións de conformidade co establecido na lexislación vixente, debendo adicar un mínimo de 35 horas semanais as súas funcións, e percibirá un soldo bruto mensual de 1.950 € en 14 pagas.

-Concelleiros/as 2, 3, 4 e 5: desempeñarán as súas funcións de conformidade co establecido na lexislación vixente, debendo adicar un mínimo de 15 horas semanais as súas funcións, e percibirá un soldo bruto mensual de 475 € en 14 pagas.

SEGUNDO.- As anteriores retribucións actualizaranse anualmente segundo o incremento anual fixado para os traballadores pola Lei de Presupostos do Estado.”

Aberto o debate pola presidencia (....)

**Sometido o asunto a votación foi aprobado por unanimidade dos 13 membros da Corporación.**

## **7º.-NOMEAMENTO DE REPRESENTANTES DA CORPORACIÓN EN ÓRGANOS COLEXIADOS QUE SEXAN COMPETENCIA DO PLENO.**

A proposta da alcaldía de data 29/06/2015 á que da lectura o secretario na súa parte dispositiva é a seguinte:

“Dona Regina Polín Rodríguez, alcaldesa-presidenta do Concello de Guitiriz, no uso das súas atribucións legalmente conferidas.

A vista das eleccións locais do día 24/05/2015 e da constitución da Corporación municipal de Guitiriz de data 13/06/2015, resulta necesario proceder ao establecemento da nova organización municipal.

En cumprimento do establecido no artigo 21 e 22 da Lei 7/1985 do 2 de abril reguladora das bases de réxime local, así como no artigo 38 do Real Decreto 2568/1986 de 28 de novembro que aproba o Regulamento de organización, funcionamento e réxime xurídico das entidades locais.

Sométese a seguinte proposta de acordo ao Pleno do Concello de Guitiriz:

PRIMEIRO.- Designar os seguintes representantes do concello nos seguintes organismos:



1.-Asociación desenvolvemento comarca Terra Cha. GDR-2 Terra Chá:

Titular: Regina Polín Rodríguez

Suplente: Laura Ageitos Miragaya

2.- Asociación impulsora do pacto territorial emprego:

Titular: José Manuel Saa Devesa

Suplente: Daniel Díaz Méndez

3.-IES Poeta Díaz Castro:

Titular: Regina Polín Rodríguez

Suplente: Laura Ageitos Miragaya

4.- CEIP Guitiriz:

Titular: Regina Polín Rodríguez

Suplente: José Manuel Saa Devesa

5.- CEIP Parga:

Titular: Regina Polín Rodríguez

Suplente: Carlos Plácido Buján López

6.-Consortio Galego de Servizos de Igualdade e do Benestar:

Titular: Laura Ageitos Miragaya

Suplente: Carlos Plácido Buján López

7.- Rede Española de Cidades polo Clima:

Titular: Regina Polín Rodríguez

Suplente: Carlos Plácido Buján López

8.- Asemblea da Rede Galega de Concellos pola Sustentabilidade:

Titular: Regina Polín Rodríguez

Suplente: Carlos Plácido Buján López

9.Presidencia da Mesa Local de Comercio:

Titular: Regina Polín Rodríguez

Suplente: Laura Ageitos Miragaya

10. Representante do Concello na Mesa Local de Comercio:

Titular: José Manuel Saa Devesa

Suplente: Pedro Pérez Fanego

SEGUNDO.- Publicar integramente o acordo que resulte no Taboleiro de Anuncios desta Entidade e notificarlo ós órganos respectivos.”

Aberto o debate pola presidencia (....)

**Sometido o asunto a votación foi aprobado por unanimidade dos 13 membros da Corporación.**



CONCELLO DE GUITIRIZ  
Rúa do Concello, 4  
27.300 GUITIRIZ – LUGO  
TEL. 982.370.109 FAX 982.372.178

Non habendo máis asuntos a tratar a presidencia declara rematado o acto sendo as 20.15 horas de todo o que como secretario dou fe.

A alcaldesa

O secretario

Regina Polín Rodríguez

Rafael del Barrio Berbel

BERBEL